



DET KONGELEGE
FORSVARSDEPARTEMENT

St.prp. nr. 76

(2002–2003)

Om endring i tenestetillegget til utskrivne vernepliktige mannskap

*Tilråding frå Forsvarsdepartementet av 6. juni 2003,
godkjend i statsråd same dagen.
(Regjeringa Bondevik II)*

1 Innleiing

I denne proposisjonen legg Forsvarsdepartementet fram forslag til regulering av tenestetillegget for utskrivne vernepliktige mannskap frå 1. juli 2003.

2 Samandrag og tilrådingar

Forslaget til regulering vil få verknad frå 1. juli 2003 og vert fastsett på grunnlag av auken i konsumprisindeksen frå april 2002 til april 2003 avrunda til næraste heile krone og ikkje som i andre høve, der ein har nytta lønsoppgjret i staten som grunnlag for endringane. Til dømes vart det også gjeve tillegg ut over det lønsoppgjret gav grunnlag for i 2000.

Tenestetillegget til dei vernepliktige mannskapa vert med grunnlag i dette tilrådd auka med om lag 2,9 % frå 1. juli 2003. Meirutgiftene for 2003 er utrekna til 8,693 millionar kroner. Forslag til endeleg inndekning vil bli fremja i samband med omgrupperingsproposisjonen i haust.

3 Bakgrunn

Forsvarsdepartementet har ved fleire høve, i tråd med Forsvarskomiteén sitt syn, lagt til grunn den regulering som vert gitt i lågaste lønstrinn for vaksen, ufaglært arbeidskraft i staten. Andre gonger har ein ikkje nytta lønsoppgjret ved fastsettinga av dei økonomiska vilkåra for dei vernepliktige mannskapa, men i staden sett det som nausynt å auke tillegget ut over resultatet av lønsoppgjret i staten.

Mellomoppgjret i staten gav eit tillegg på kr 0 i lågaste lønstrinn for vaksen, ufaglært arbeidskraft på A-tabellen med verknad frå 1. mai 2003.

Vidare vert det korkje ført sentrale forhandlingar per 1. august 2003, eller lokale forhandlingar per 1. september 2003.

4 Vurderingar

Dei økonomiske ytingane det dreier seg om har som eit viktig mål å sikre den vernepliktige og familien hans ein rimeleg god levestandard. Det bør takast omsyn til at kjøpekraftutviklinga for lønstaka-

rar og vernepliktige ikkje direkte kan samanliknast, då vernepliktige har relativt små tillegg og behovsprøvde ytingar. Etter ei samla vurdering er Forsvarsdepartementet kome fram til at dei vernepliktige bør få ei regulering av tenestetillegget med om lag 2,9 %, medan andre tillegg vert uendra. Auken i tenestetillegget er eit viktig bidrag i arbeidet med å heve statusen til dei utskrivne vernepliktige mannskapa. Av praktiske omsyn lyt reguleringa skje frå 1. juli 2003.

5 Regulering av tenestetillegget

Forslaget inneber følgjande regulering av tenestetillegget frå 1. juli:

Tenestetillegg frå kr 108,00 til kr 111,00 per dag

6 Finansiering

Dei vernepliktige mannskapa si økonomiske utvikling er særleg utsett ved null-oppgjer i staten. Forsvarsdepartementet har difor vedteke å fremja forslag om å løyva dei vernepliktige mannskapa ein kompensasjon svarande til auken i konsumprisindeksen frå april 2002 til april 2003, avrunda til næraste heile krone.

Kap 1719, post 43, Til disposisjon for Forsvarsdepartementet, vert tilrådd minka med 8,693 millio-

nar kroner til fordeling på dei andre kapitla på Forsvarsbudsjettet.

Regulativendringar for militære vernepliktige mannskap utløysar tilsvarande verknad for dei sivile vernepliktige. Dette følgjer av militærnektarlova § 18. Meirkostnadane for siviltenesteforvaltninga for andre halvår 2003 er utrekna til 0,95 millionar kroner, som vert tilrådd dekt innafor eiga ramme på kapittel 450. Meirkostnadane førar til endringar i talet på sivile tenestepliktige som vert kalla inn og i mengda mannskap i siviltenesta.

7 Samla utgiftsutrekning

Meirutgiftene som følgje av forslaget er rekna ut til å bli 8,693 millionar kroner for 2003 etter følgjande fordeling:

Auke av tenestetillegg 8,693 mill kr

Forsvarsdepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om endring i tenestetillegget til utskrivne vernepliktige mannskap.

Vi HARALD, Noregs Konge,

s t a d f e s t e r :

Stortinget blir bedt om å gjere vedtak om endring i tenestetillegget til utskrivne vernepliktige mannskap i samsvar med eit vedlagt forslag.

Forslag

til vedtak om endring i tenestetillegget til utskrivne vernepliktige mannskap

I

I statsbudsjettet for 2003 blir det gjort følgjande endringar:

Utgifter:

Kap.	Post	Formål	Kroner
1719		Til disposisjon for Forsvarsdepartementet:	
	43	Blir minka med frå kr 20 000 000 til kr 11 307 000	- 8 693 000
1720		Felles leing og kommandoapparat:	
	1	Driftsutgifter, blir auka med frå kr 1 335 214 000 til kr 1 335 460 000	246 000
1725		Fellesinstitusjonar og -utgifter under FO	
	1	Driftsutgifter, blir auka med frå kr 2 541 514 000 til kr 2 541 877 000	363 000
1731		Hæren:	
	1	Driftsutgifter, blir auka med frå kr 4 920 836 000 til kr 4 924 535 000	3 699 000
1732		Sjøforsvaret:	
	1	Driftsutgifter, blir auka med frå kr 2 990 278 000 til kr 2 991 700 000	1 422 000
1733		Luftforsvaret:	
	1	Driftsutgifter, blir auka med frå kr 3 803 828 000 til kr 3 805 608 000	1 780 000
1734		Heimevernet:	
	1	Driftsutgifter, blir auka med frå kr 1 172 499 000 til kr 1 173 541 000	1 042 000
1790		Kystvakta:	
	1	Driftsutgifter, blir auka med frå kr 649 080 000 til kr 649 217 000	137 000
1795		Kulturelle og allmennyttige formål:	
	1	Driftsutgifter, blir auka med frå kr 142 081 000 til kr 142 088 000	7 000